


MUSEO

Biografia di Juan Mario Odor (q.e.p.d)

Museo Numismatico: henter un historia conta na placa chiquito



Juan Mario odor (q.e.p.d.)

Den cuadro di nos celebracion nacional di Himno y Bandera nos kier rindi tributo na e trabao cu sr. Juan Mario Odor (q.e.p.d.) a realiza pa nos laga cu parti di nos historia a bai perdi. Sr. Odor kende a nace na Aruba dia 24 di November 1919 y a faceyete dia 25 di Februari 2001, tabata fundador di Museo Numismatico Aruba y Co-fundador di Museo Historico Arubano den Fort

Zoutman.


Sr. Juan Mario Odor na bida tabata casa cu Ines Odor-Carrasquero. El a studia na Dominican College y Juliana School.

El a traha como cuidador di preso na Fort Zoutman, Uitvoerder na D.O.W. (magazijn) despues di II Guerra Mundial y como Curator na


Museo Numismatico Aruba.

AMANTE DI DEPORTE Y COLECCIONISTA

Durante e añanan 50 pa 60 el a yuda hopi hende den deporte cu A.S.U., especialmente hopi por corda como bendedor di ticket na Wilhelmina Sport Park, despues Wilhelmina Stadion y



Museo Numismatico ta contene mas of menos 35 mil diferente pisa di 400 pais.



E moneda mas bieuw cu nan tin ta data for di año 246-221 BC. E ta un moneda Griego pero e tempo ey Egipto tabata cai bai Imperio cu Alejandro Magno a funda.


na L.A.G.O. Sport Park.

Juan Mario Odor a cuminsa colecciona moneda y biyete na edad hoben y tabata fundador di Museo Numismatico Aruba na 24 di November 1975 y Museo Antigüedad di Aruba 8 di September 1994.

E tabata miembro di: United

Nation World Coin Club, American Numismatic Association, World Proof Numismatic Association di cual e tabata representante di Antillas y Aruba; Al Dorego, Krause Publications, World Coin News y comision pa traha e promer monedanan pa Aruba.

MUSEO



Di Aruba tempo cu nos tabata cai den e colonianan di West Indies, e moneda di mas bieuw cu Hulanda a traha pa West Indies ta data di año 1795.

E tabata fundador di Aruba Coin Club y Co-fundador di Museo Historico Arubano den Fort Zoutman.

Mario su nombre a resalta den varios revista na Merca e.o. den The Numismatist y autor di varios articulonan y buki tocante numismatica.

E Museo Numismatico Arubano ta esun di mas grandi den Caribe. Fuera di

numismatica Mario su otro hobby tabata arqueologia y e tabata un arqueologo amateur ya contribui cu hopi emisionnan cu a ser skirbi tocante arqueologia di Aruba, cu obhetonan; y a yuda trece den claridad e diferente sitionan na Aruba caminda e indiannan Caquetio a pasa of biba.

Juan Mario Odor semper a stima y coopera cu e cultura di

Aruba riba diferente terreno y a ser condecora cu "Orden can Oranje-Nassau" 30 di Maart 1984 y "Ridder in de Orde van Oranje-Nassau" 24 april 1992.

MUSEO NUMISMATICO ARUBA

Sr. Juan Mario Odor (q.e.p.d.) su jiu sr. Ruben Odor a duna nos un splicacion breve riba e contenido balioso e historico cu e museo aki tin. E ta contene mas of menos 35 mil diferente pisa di 400 pais. E coleccion fantastico aki ta consisti riba su mes di aproximadamente 115 diferente coleccion p.e. primitivo, extraño, proof, mini, error, oro, cuadro, cu buraco, di palo y tambe ficha y medalía, etc... Manera nos a bisa ariba, Museo Numismatico, unico den nos region y talvez esun mas extenso den Centro America y Caribe, ta ofrece un bista di imperio Romano, Grecia Antiguo, Dinastianan Chino, India Místico, Egipto y famoso Imperio Bizantino.

ARUBA

Na era Indigeno, "Quiripa"


tabata e promer medio di pago entre e nativonann na e costa di Colombia, Venezuela, y demas islanan cercano.

Tambe e indianan na tabatab usa Quiripa pa compra e hende muher. E tabata wordi traha di calco.

Na Era Spano e piezanan na traha na America den forma irregular

y bruto C.O.B. y despues Real Spano. Na comienso tur placa menciona ariba tabat ser corta (Guillotina of henter). Die hecho historico aki a bini e nomber di Yotin Corta.

Di Aruba tempo cu nos tabata cai den e colonianan di West Indies, e moneda di mas



Un variedad di moneda conmemorativo di Aruba.

bieuw cu Hulanda a traha pa West Indies ta data di año 1795. Despues na 1821 a cuminsa cu un solo pisa "Reaal". Na 1899 cu e Wetregeling tocante moneda nos a haya 1/10 Gulden, 1/4 Gulden y a la vez den historia cu nos a haya nos propio set di moneda.